

唐
宋
四
朝
詩
話

唐
駝
題

唐宋
明清
四朝詩話

蓮坡詩話

宛平 查為仁 心穀

宗室紅蘭主人 岳瑞 嘗自製揚州夢傳奇遍招白下諸名流賞之會者百餘人內有少年王生善集唐即席詩成結句云十年一覺揚州夢唱出君王自製詞主人大喜以黃金十四錠白玉卮三奉酒為壽曰一字一金也生飲酒受金即以金分給梨園十四人曰同沾君惠是日主賓歡洽轟飲而散主人又號玉池生善畫嘗有句云萋萋滿地王孫草漠漠一天神女雲又號東風居士因有東風無力不飛花句為輔國將軍博問亭 爾都 所賞也

周宮詹

起渭

有西湖詩云天邊明月光難並人世西湖景不同若把西湖

比明月湖心亭似廣寒宮較東坡進一格

錢振芝

尚濠

有詠馬嵬詩云長生殿上祝姻緣馬首紅羅不暫憐自是薄

情渾說謊不因無策庇嬋娟與李義山君王若道能傾國玉輦何由過馬
嵬之句各臻其妙

雪嶠大師

圖信

又號雪獅子結茅徑山中獨居一菴自書聯曰孤雲臥此

中萬山拜其下嘗有句云千林萬林楓葉乾七灣八灣秋水老山猿鼓石
下危巖惡虎銜柴入荒草又有句云殘雪枝頭午未消熟眠老虎始伸腰
又有句云簾捲春風啼曉鴉閒情無過是吾家青山箇箇伸頭看看我菴
中吃苦茶出筆奇峭絕無蔬筍氣師於順治丁亥八月廿六日書訣眾偈
曰小兒曹生死路上好逍遙皎月冰霜曉喫杯茶坐脫去了命侍者進茶
飲畢而逝

沛縣閻古古

爾極

號白奔山人赴史道隣閣部聘時值興平伯高傑新為

許定國所殺古古勸閣部往鎮撫之閣部勿聽且退保維揚古古遂以書
投之而去後於廬州見傳奇有史閣部勤王一閨感而志之云元戎親帥

五諸侯不肯西征據上游今夜廬州燈下見還疑公未死揚州又繡鎧金鞍妃子妝興平一旅下河陽猿公劍術無人曉驚道筵前舞大娘

此指高傑之婦

即李自成妻

合肥龔芝麓尚書與閻古古極善古古繫西曹賴尚書左右之得脫古古上尚書詩有句云君相從來能造命湖山此去好容身深感之也

黃九烟

周星

前進士也上元人流寓湖州年七十忽感愴於懷自撰墓志

作解脫吟十二章縱飲盡一斗大醉沈南潯河而死時五月五日也生平

與尤悔庵

侗

極善嘗遊冒巢民春暉園詩云夢老吳山五十年今朝始得

臥蒼烟三峯已叩生公石一水還浮米芾船海國衣裳名士會醉鄉花月

美人天豪情勝事真千古那羨蘭亭共輞川又登劍閣句云壁異黃州安用赤壺非蓬島却同方

冒巢民司理

襄

居如臯堂名得全園名水繪往來名士之盛不啻玉山諸

勝有同人倡和集如戴介眉

洵

詞壇宿將君何忝酒國長城某在斯吳蘭

次綺狂橫白紵春無賴醉瀉紅珠夜奈何龔芝麓

鼎彝

時窮竟合謀歡老

情至終如善怨何徐方虎

倬

人憐滄海遺民少話聽開元逸事多又房中

煖老珠三豔階下承歡玉二柯子象明

梅

襟期劇孟田疇後風味盧仝陸

羽間皆名句也

錢□□之於柳是龔□□之於顧橫波同類燕人之惑易惜無蘭湯以洗

之宣城梅耦長

庚

有題顧梅生畫蘭云半幅雙鈎楚澤春南朝舊部總傷

神靡蕪詩句橫波墨都是尚書傳裏人

蘿蕪柳小字也

托諷遙深亦屬實錄耦長

刻有漫與集

吳梅村祭酒病中詩云忍死偷生廿載餘而今罪孽怎消除受恩欠債須

填補縱比鴻毛也不如又我本淮南舊雞犬不隨仙去落人間其言亦哀

矣梅村最工歌行若永和宮詞蕭史青門曲圓圓曲聽女道士卞玉京彈

琴歌等篇皆可方駕元白也圓圓者吳下女伶陳姓轉入田皇親家吳三桂見而悅之及破闖賊取之去吳之舉兵為圓也既為平西王夫人寵貴無比後為正妃所妒辭宮入道吳逆敗不知所終梅村詩云全家白骨成灰土一代紅顏照汗青又云得婦江南謝阿蠻諷甚當

寶城王子銓

錄

任惠州太守時與僧靈源輩飲於官署署後遍山木棉因

以朝霞一片木棉花為題詩未竟座客有索西瓜者忽見一人擔瓜數十

在旁詳視其貌虬髯碧瞳迥異凡相王心異之遂盡買其瓜而去歷三十

年王官浙江溫處巡道解組寓姑蘇患痢頗劇扶叶請方有降乩詩曰朝

霞一片木棉花太守筵前曾賣瓜屈指於今三十載勸君依舊服胡麻蓋

王少年患痢曾服胡麻丸而愈因再服之果瘥擔瓜之人已成叶仙異矣

冒巢民晚築一室曰匿峰廬西冷女史周

瓊

題句云滄海鍊身猶竦骨鹿

蕉覺夢更清狂周繼高有句云秋月湧波翻屋影西風隔岸碎人言龔芝

麓尚書有匿峰廬七月十六日夜即事句云露華滿地竹風低起坐閒吟到
曉雞絡緯亦知秋月好五更枝上盡情啼巢民宴集名流必出歌童演劇
有楊枝秦蕭徐郎諸人徐郎名紫雲色藝冠絕流輩瞿有仲詩云秦蕭為
歌楊枝舞就中紫雲尤媚嫵又云黯然把酒顧紫雲為我重賡將進酒其
風致可見後為宜興陳其年所昵巢民遂贈之其年畫其小影攜之出入
同人題詠甚多王阮亭句云黃金屈膝玉交杯坐盡銀荷葉上灰法曲自
從天下得人間那識紫雲迴武進陳賡明云憶脫春衫花底眠新聲愛煞
李延年只今展卷人猶在何處相看不可憐尤悔菴云西園公子綺筵開
璧月瓊枝夜夜來小部音聲誰第一玉蕭先奏紫雲迴揚州宗定九云一
曲新歌水繪間冒家衛紫似雙鬟因思昔日彭陽事錦瑟曾令侍義山好
事者多傳之其年亦有句云余本王謝兒鄙性惡拘繫作人喜聲樂獨宿
語多嚙先生實知余體恤無不逮感激在心脾料理到微細又鈕玉樵觚

賸云如臯冒辟疆家有園亭聲伎之勝歌者楊枝態極妍媚知名之士題贈盈卷惟陳其年擅長閱二十年而楊枝老矣其子亦玉人也因呼小楊枝一日讌集辟疆出前卷相示邵青門題其後曰唱出陳髯絕妙詞燈前認取小楊枝天公不斷消魂種又值春風二月時

陳其年往來得全堂最久及官翰林寄書巢民云昔遊歷歷舊事明明水繪朝烟鉢池暮雨都縈懷抱難問音塵屬在深情定均斯慨其年贈巢民詩云乾坤高士傳花月輞川圖又云此生原是悞何計不言愁又小秦淮曲數首最佳今錄其二廣陵城外小樓多秋水盈盈翦越羅記得昨宵樓上女斷無人處注橫波又老去心情不自持板橋細柳一枝枝誰將碎雨零烟恨說與風流小庾知

虞山徐荅若蘭詩格雄健極為漁洋所稱賞有出居庸關詩云將軍此去必封侯士卒何心肯逗留馬後桃花馬前雪出關爭得不回頭此尤膾炙

人口者也芬若又有蒙古象棋打鬼等六歌皆集前人句為之組織天然
減盡針線之迹刻出塞詩鈔內芬若號芝仙

朱子常中丞綱詩最佳而不多見嘗有句云畏暑鋪長簟思風去短屏去
字極自然

會稽令胥原彥

茹芝

與弟

茹穎

齊名而原彥詞翰詩文更優有出塞詩云

馬頭東去雁門關回首三城指顧間怪煞雙鵬最無賴凌風飛上塔兒山
又一曲琵琶酒一行高樓夜半朔風鳴今朝始識伊涼調盡是關山草木
聲原彥又號抱雪世居桐城杏花村

海甯陳香泉太守

奕禧

書法名天下詩格更高有潯縣阻風句云風傳冷

樹飛霜葉雁宿秋江老白蘋風味不讓唐人漁洋謂邢太僕徐庾文章建
安體悔教書法掩詩名可以移贈

童筠

山陰人遊毛大可檢討

奇齡

之門工詩文幼聘姑女田玉娥未婚而

童以事北上田送之詩曰錢塘相送遠過此是杭州月杵春鄉夢霜砧搗
客愁渡頭千樹老江上一帆秋無限臨歧意東西水自流後童竟不歸而
田以天亡

陳恪勤公

鵬年

文章事業為一代偉人詩更灑落有絕句云隔簾幽韻上

焦桐一曲湘靈奏未終略記年時春雨夜海南新試小薰籠清華秀瞻未
嘗不奪風雅之幟也

歸安陸巢雲

師

臥病寓齋偶詠云悠然木榻寄僧寮靜裏聞鐘轉寂寥暖

律倦吹寒谷熱朔風偏助病魔醫多變症非方悞酒剩空囊亦興消只
有短檠憐客苦半明半滅伴深宵風調酷肖龜堂老子

華亭王琬湖相國

項齡

過仙霞嶺有句云傳車行木杪候吏謁雲端新秋

句云醉思湘簟滑涼愛竹窗虛薛澱副相

九齡

送人句云夢中有路終難

別肘後何方可療貧儼齋司空

鴻緒

贈人句云投轄客同官閣臥賣文錢

向酒家留冬日句云溪雲曉宿巖前寺霜日晴懸江上村可稱江左諸王
人人有集矣

江都宗定九

元鼎

自號梅西居士詩格華瞻有題鄧尉山圖云鄧尉梅花

四十里具區三萬六千陂山中正對漁洋景令我尋思歷下詩徐電發檢

討

鈞

云定九一號小香居士晚隱廣陵之東原自著賣花老人傳蕭靈曦

晨為之繪圖王西樵考功

士祿

題以詩曰飲香浴露詞人筆小白長紅野

圃春時賞一枝博新詠幽情兩屬灌園人又何來筆墨關卿事不惜畦邊
千錦叢多少清詞飽蟲靈風流輸與賣花翁自是廣陵春游者過紅橋一
帶多說賣花老人逸事矣

索果亭

克

詩多清刻有味如春歸空草色鳥語各花枝白雲深古寺綠水

悅騷人白餘樵徑雪青滿鶴巢松等句皆可誦也果亭素菴之弟

談半村

汝龍

字敬業吳下人工詩賦修書內殿因事維繫鬱塞不得志往

往發之詩歌間以酒自娛不修邊幅有和人送春詩云送春詩到識春非
我獨端居荆棘園杜宇亦知人意苦隔牆高叫不如歸

半村與余交最善相依園土中晦明風雨刻意苦吟半村嘗有句云狂飈
無影催花散夢雨成陰障月昏詩惟寫意隨唐宋酒借陶情任聖賢蓋不
衫不履多自得之趣及與余無題倡和諸作不緣人似梅花淡肯繫情如
春水濃夜月樓臺楊柳笛春風簾幙鳳凰裙則又清麗芊綿矣半村嘗為
予言山陰女子薛小英詩詞兼擅以所適非偶抑鬱而死小英有無題詩
云昨夜懷人綠瑣窗燈枝如粟吐銀缸風聲入樹驚棲鶻月影移花閃睡
龐撫枕應知腸斷九窺簾猶憶目成雙玉奴不省當年約枉乞春絲繡佛
幢

閻古古在濟南有詩曰四圍松竹山當面一望樓臺水半城雖本白太傅
燈火萬家樓四面星河一道水中央而所寫境地不同如鄧孝威

漢儀過

大庾嶺人馬盤空細烟嵐返照濃亦本村遠行人小荒城落照偏之意句
在伯仲難分軒輊

家伯初白老人嘗教余詩律謂詩之厚在意不在辭詩之雄在氣不在直
詩之靈在空不在巧詩之淡在脫不在易須辨毫髮於疑似之間餘可類
推所著敬業堂集中分小集多至十餘種宋人惟楊誠齋有之老人歸田
以及患難又有餘生詔獄生還三集家七倫弟刻於嘉善老人有句云座
中放論歸長悔醉裏題詩醒自嫌又人來絕域原拚命事到傷心每怕真
予每喜誦之又有花朝晴示僧道楷詩云初日烘雲碎作霞討春人競出
江涯老僧不喜閒桃李別約山僧看菜花此與宋魏野所作城裏爭看城
外花獨來城裏訪僧家殷勤覓得新鑽火為我旋烹岳麓茶意相似
錢振芝天上有星臨薄命人間無藥治相思之句為世傳誦而半村無藥
可消衰鬢白有絲難貫淚珠紅其感時傷遇淒楚倍之

嘉定孫松坪

致彌

髻亂之歲即以詩名掉鞅詞場致身禁近者四十年其

題秦淮小榭四絕最佳赤欄橋外柳千條一曲青溪漲晚潮鵲管偷聲催
月上不知何計不魂消南部烟花失舊聞都無歌笑有愁雲才人潦倒佳
人老腸斷當年白練裙豔曲空傳燕子箋如雷羯鼓鬧燈船可憐三五花
梢月曾向臨春閣外圓欸乃聲中酒半消水天閒話總無慘不須重數華
胥夢衰柳秋風見六朝又松坪未申集載歸舟口號一絕云有淚何曾灑
路窮小船欹側逆流中科頭白眼傾尊酒飽看人家使順風具見磊落胸
襟

秀水徐壽謀

天稽

號南臯子神思風骨清挺超妙與子在胡勿齋方伯離

相齋倡和最久一夕三人共坐方伯口占一律云門前休問有何人舊雨
惟君意更親博覽羣書推甲子高燒銀燭守庚申披裘捫虱論今古捉筆
塗鴉數夕晨元定設著逢遯日只應焚稿莫逡巡南臯刻有小集一冊德

州孫莪山勲為之序有春游曲云狹路香車捲細塵如花一隊出城闌春風無賴垂楊柳故把狂絲罥畫輪

胡方伯熟精內典顏其齋曰離相有詩云幾年心苦坐蒲團見道非難證道難本性豈容隨物轉初心何必要人安工夫恰似銷金鑛滋味還同啖鐵丸如此修持為正覺若它觀者即邪觀

家伯查浦老人平生遊迹遍天下所至覺眺留題往往膾炙人口而燕京雜詠百四十首尤騰譽都下康熙庚辰辛巳間來游天津居吾家于斯堂前後幾及兩載時與趙秋谷執信姜西溟宸英咎元彥茹芝朱字綠書劉

大山

巖

擘牋飛筆殆無虛日至今猶想見前輩風致也一日飲遂閣堂留

別主人云歲晏論交地淹留得此堂月沉詩酒海花照管絃場客位新咨目書叢舊墨莊東州推逸黨曠達爾何妨樂事隨時換朝昏景不窮徑移新宵窈人占好房櫳泥酒更更醉分燈院院紅豈知簾幙外昨夜有霜風

石勢侵廊斷池光拂檻流路迴亭似鵲簾捲屋如舟徑竹蕭蕭響盆花豔
豔秋客愁渾減盡遮莫少年遊才子今張率名園比謝亭門無辭客例家
有益齋銘顧我頭將白逢君眼共青茫茫人海內此跡豈浮萍子弟基學
開三人咸克世其學學有研北詩抄開有吾匏亭稿皆長洲沈編修德潛
為之序行

惲南田

格

字正叔又曰壽平善沒骨設色花卉昭代稱為第一虞山王石

谷

暈

亦以山水名家凡二君片紙尺幅海內皆為爭購壽平有寄石谷詩

云收得江山在錦囊霜天乘月下滄浪尚留琥珀蘭陵酒襖被同君話草
堂二君襟期灑落當不獨以丹青為能事也

余居北寺九年二三朋好時時慰問或投以吟筒互相倡和由是紙墨日
多其中名作如沈麟州

元滄

青雲早達原非幸白首論交未是遲沈良思

青崖

吟到梅花連月冷話深爐火入灰微程廷儀

可式

春回小院先啼鳥

香吐寒梅欲染衣劉雪珂

文煊

事雖千局變心共一燈明高素臣

日時

拙

匠長饑仍刻鵠壯夫今老尚雕蟲又去留躑躅爭枝鳥行止飛揚繞苑蟲
錢修亭

陳羣

美人悲未嫁多坐良媒悞由來情好鍾愛極翻成妒鮑集軒

鳳翔

草蘭香馥尋南鎮毛笋生鮮買破塘許子遜

廷鑠

楊柳亂烟春店曉

海棠疏雨小樓寒又紙閣茶濃烟篆晚板橋花拂酒旗香又風梳翠草晨

抽帶魚咬華星夜吐珠又深林葉落堪容月北牖簾疏慣引風丁芝田

鶴

腸惟嗜酒時偏潤髻為吟詩半已斑又蒲團佛笑拈花影板屋人融凍雪

痕王雨楓

霖

半生噩夢霓裳曲此夕王郎斫地歌又銜碑石闕將誰訴落

溷花枝一任風昏一時酬倡之作堪入主客圖也

宗室香嬰居士

文昭

字子晉從漁洋學詩一日與從祖紅蘭主人分韻有

句云花香高閣近書味小樓深主人極為激賞後益肆力為詩有絕句云

小徑深沉繡綠苔曲欄干外儘徘徊似疏半密三更雨牆角碧桃無數開